

Band X., Nr. 4486, Seite 215

Elisabeth von Tübingen genannt von Eberstein beurkundet ihre Abmachung mit Kloster Kniebis wegen des Hofes und der Kapelle und eines Waldes zu Bildechingen.

Kirchberg, 1294. Februar 1.

Ich Elizabet von Tüwigen die man och nennet von Eberstein dūn kunt allen den die disen bref senhent oder hūrent lesen, daz ich und die herren abe dem walde ze Knēboz ub ain kumen sin umbe den hof ze Biltachingen, daz ich in den wil lan und swaz sie rehtez zū der cappelle und zū dem holze daz da haizet Gehai hant, daz gan ich in wol und gib in min reht dar zū und verzihe mich dez vor genanten gūtez durch got und durch unser frowen ere und durch mine sele und miner vordern sele willen und daz sie min gedenken und minez vater ainez Cūnraz und miner mūter ainer Machthilt und minez wirtes einz Otten und aller miner vordern. Und swenne ich stirbe, so sullen sie min jargezit begen mit singen und mit liesen und daz man den brūdern gemaienlich gebe ainen dienst umbe aien phunt Tüwinger zū ezzen und zū trinken. Diz hat mir gelobte brūder Friderich der erzeprister von Oberkirch mit siner trūwe fur sich und fur sine brūder alle und sullen ez die brūder och geloben dem von Botebor und brūder Friderich mit iren trūwen, daz sie daz stete lasen. Dez ist gezük der gardian von Tüwigen und brūder Ber. von Botebor, herre Hug der scriber von Boltringen, Johan von Crunbach¹, Ber. der rihter, Volmar der Rüteler und ander erbare lūte, die wol gezūcbarre sint. Daz diz ware si und stete belibe, dar umbe henke ich min insigel an disen bref und der gardian von Tüwigen dez conventez insigel durch min bēte.

Diz geschach, do man zalte von gottez gebürte zewelf hundert jar und nūzik jar, dar nach in dem vierden jar, an unser frūwen abent der liehtmesse, ze Kirchberk zū dem closter.

Textabdruck folgt dem Original.

Siegel abgegangen.

¹Vielleicht Krumbach, Sauldorf, SIG.

Überlieferung und Publikationen

Lagerort:

Pfarrarchiv Bildechingen

Editionen:

Schmid: Pfalzgrafen von Tübingen, S. 55, Nr. 51.

Weitere Angaben

Beschreibstoff:

Pergament

Sprache:

Deutsch

Ausstellungsort:

Kirchberg

Ortsindex:

Bildechingen Wohnplatz (7457)

Bildechingen, Horb am Neckar, FDS

Kirchberg Wohnplatz (12729)

Kirchberg, Sulz am Neckar, RW

Kniebis Wohnplatz (7420)

Kniebis, Freudenstadt, FDS

Krumbach Wohnplatz (21429)

Krumbach, Sauldorf, SIG

Poltringen : Ammerbuch TÜ

Poltringen Wohnplatz (16228)

Poltringen, Ammerbuch, TÜ

Ruine Ebersteinburg (Alteberstein) Wohnplatz (5202)

Ruine Ebersteinburg (Alteberstein), Baden-Baden, BAD

Tübingen Wohnplatz (16214)

Tübingen, TÜ